



Broj: 09-31-566/23
Vogošća, 11.05.2023. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 11.05.2023. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU I MONTAŽU INVALIDSKE
PLATFORME LICIMA SA POTEŠKOĆAMA U KRETANJU**

Član 1.

Ponuda ponuđača "Liftmont" d.o.o. Sarajevo, ulica Republike Bugarske broj 26. Sarajevo, odabrana je za nabavku i montažu invalidske platforme licima sa poteškoćama u kretanju, kao prvoplasirana na Rang listi, sa ponuđenom ukupnom cijenom nabavke u iznosu od 29.820,00 KM bez uračunatog PDV-a, odnosno 34.889,40 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 11.04.2023. godine donio Odluku o pokretanju Otvorenog postupka nabavke i montaže invalidske platforme licima sa poteškoćama u kretanju, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 12.04.2023. godine pod brojem: 1353-1-1-58-3-68/23.

Sažetak Obavještenja o nabavci objavljen je u "Službenom glasniku BiH" broj: 28/23 od 24.04.2023. godine.

Tendersku dokumentaciju sa Portala javnih nabavki BiH je preuzelo 9 (devet) ponuđača. Krajnji rok za dostavu ponuda bio je 08.05.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 08.05.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 09-31-566/23 iz aprila 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Fidges-upravitelj" d.o.o. Sarajevo	30.000,00	/	/	35.100,00
2	"Liftec" d.o.o. Sarajevo	30.000,00	/	/	35.100,00
3	"Liftmont" d.o.o. Sarajevo	30.000,00	/	/	35.100,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Liftec" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 5.1. TD je propisano da se TD preuzima sa Portala javnih nabavki (E-nabavke) do 08.05.2023.godine. Tendersku dokumentaciju preuzima ponuđač lično sa Portala javnih nabavki (E-nabavke).

Agencija za javne nabavke BiH po pitanju preuzimanja TD je zauzela zvanični stav (Stav od 04.06.2023. godine) u kojem stoji:

"Iz navedenog jasno proizilazi da u slučaju kada ugovorni organ tendersku dokumentaciju objavi u sistemu "E-nabavke" to postaje jedini mogući način preuzimanja tenderske dokumentacije u tom postupku.

Ponuda ponuđača koji nije preuzeo tendersku dokumentaciju na gore predviđen način, neće ni biti predmet pregleda i ocjene ponuda.

Dakle, svaki ponuđač koji ima namjeru učestvovati u postupku javne nabavke dužan je preuzeti tendersku dokumentaciju, jer je ista preduslov i materijal za pripremu ponude".

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je nepravilna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Fidges-upravitelj" d.o.o. Sarajevo i
- "Liftmont" d.o.o. Sarajevo

ispunjavaju formalno pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 10.05.2023. godine u 12:00 sati.


Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 10.05.2023. godine, Komisija za javne nabavke je sačinila sljedeću Rang listu u Otvorenom postupku nabavke i montaže invalidske platforme licima sa poteškoćama u kretanju kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Liftmont" d.o.o. Sarajevo	29.820,00	34.889,40
2	"Fidges-upravitelj" d.o.o. Sarajevo	29.850,00	34.924,50

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Liftmont" d.o.o. Sarajevo, za nabavku i montažu invalidske platforme licima sa poteškoćama u kretanju, kao prvoplasiranom na Rang listi, sa ponuđenom ukupnom cijenom nabavke u iznosu od 29.820,00 KM bez uračunatog PDV-a, odnosno 34.889,40 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





Dostavljeno:

1. "Fidges-upravitelj" d.o.o. Sarajevo
2. "Liftec" d.o.o. Sarajevo
3. "Liftmont" d.o.o. Sarajevo
4. Nadležnoj Službi
5. U dosije
6. a/a

fidges@hotmail.com
info@liftec.ba
info@liftmont.ba